



**CONCELLO DE CEDEIRA (A CORUÑA)**

Teléfono: 981 48 00 00 - Fax: 981 48 25 06

C.I.F.: P-1502200-G

**ACTA DA SESIÓN EXTRAORDINARIA E URXENTE REALIZADA POLO PLENO  
DA CORPORACIÓN EN DATA CATORCE DE NOVEMBRO DE DOUS MIL  
DEZASETE**

**PRESIDENTE:**

PABLO DIEGO MOREDA GIL

**MEMBROS:**

MANUEL PÉREZ RIOLA  
NICOLÁS VERGARA QUINTIANA  
MARIA JOSÉ RODRÍGUEZ PÉREZ  
MANUELA LÓPEZ RODRÍGUEZ  
JOSE CAMILO CASAL GARCÍA  
ROBUSTIANO LABRAÑA BARRERO  
ALFREDO VILELA SANTALLA  
PABLO LUIS NEBRIL LÓPEZ  
MARÍA LUISA PÉREZ PRIETO  
ESTHER COUTO LAMIGUEIRO  
ESTEBAN BLANCO GARROTE

**AUSENTES:**

Excusa a súa asistencia o concelleiro LUIS RUBIDO RAMONDE

**SECRETARIA:**

ANA VELO RUIZ

**INTERVENTOR:**

JORGE MANUEL VIDAL ZAPATERO

Na Casa Consistorial do Concello de Cedeira (A Coruña), ás dezoito horas do día 14 de novembro de 2017, reúnese o Concello Pleno en primeira convocatoria, previa convocatoria para os efectos, co obxecto de realizar Sesión Extraordinaria e Urxente, baixo a presidencia do Sr. Alcalde-Presidente e coa asistencia dos Sres./Sras. Concelleiros/as que arriba se relacionan, actuando como Secretaria a titular da Corporación, dona Ana Velo Ruiz, que dá fe do acto.

A Presidencia, tras comprobar nos termos expostos que se dá o quórum legalmente esixido polo artigo 90 do Regulamento de organización, funcionamento e réxime xurídico das entidades locais, aprobado por Real decreto 2568/1986, para a válida realización das sesións plenarias, declara aberta ésta.

## **1.- RATIFICACIÓN DA URXENCIA DA CONVOCATORIA**

O Sr. Alcalde di: Boa tarde a todos e a todas. Imos iniciar esta sesión extraordinaria e urxente co punto número un da orde do día, que é a ratificación da urxencia da convocatoria. A urxencia da convocatoria é que mañá é o último día para subir á plataforma da Deputación un proxecto que



## **CONCELLO DE CEDEIRA (A CORUÑA)**

Teléfono: 981 48 00 00 - Fax: 981 48 25 06

C.I.F.: P-1502200-G

vamos a incluír no POS adicional debido a unha maior achega da Deputación que nos fixo este ano. E digamos que imos intentar que coas baixas dos tres proxectos que van metidos nese POS da Deputación, que son o saneamento en Casal de María e Vila do Río, o saneamento nas Pontigas, e o saneamento na rúa Silva, Paz e Floreal, máis ou menos calculamos, contando cun doce ou un trece por cento de baixas para poder ter esas quitas para poder facer este proxecto. Entón, como mañá é o último día tivemos que facer todo de urxencia debido a que os informes chegaron no último momento porque tamén no último momento chegou algunha variación do proxecto. Non é culpa dos funcionarios nin moito menos.

Sometida a votación a urxencia da sesión, o Concello Pleno, por unanimidade dos seus membros presentes, ACORDA: ratificar o carácter urxente da sesión.

### **2. APROBACIÓN DO CONVENIO POLO QUE SE ESTABLECEN AS BASES DE COOPERACIÓN ENTRE A DEPUTACIÓN PROVINCIAL DA CORUÑA E OS CONCELLOS DE CARIÑO, CEDEIRA, CERDIDO, MOECHE, ORTIGUEIRA, SAN SADURNIÑO E VALDOVIÑO PARA REGULAR O PROXECTO XEOPARQUE DE ORTEGAL**

Pola Secretaria dáse lectura ao ditame da Comisión Informativa de Plenos de data 14.11.2017, que di:

“Vista a proposta de Alcaldía do 13.11.2017 que di:

“Vista a Circular Informativa da Deputación da Coruña do 17.10.2017 para o desenvolvemento do proxecto Xeoparque Ortegal, mediante a formalización dun convenio intermunicipal de xestión do proxecto, como un espazo virtual de cooperación intermunicipal sen personalidade xurídica diferenciada das entidades que a conformen,

Visto o texto do Convenio adxunto polo que se establecen as Bases de Cooperación entre a Deputación Provincial da Coruña e os Concellos de Cariño, Cedeira, Cerdido, Moeche, Ortigueira, San Sadurniño e Valdoviño para regular o proxecto “XEOPARQUE DE ORTEGAL”,

Resultando que dito convenio configúrase como un instrumento de cooperación interadministrativa a través do cal os concellos agrupados, co apoio xurídico, económico e técnico da Deputación, poderán acordar a prestación conxunta de servizos públicos coa finalidade de acadar unha redución efectiva dos custos de prestación pola mellora operativa dos propios servizos e o acceso a mellores condicións de execución ou contratación, mediante o desenvolvemento dunha comunidade intermunicipal de servizos públicos mancomunados constituída por un número reducido de municipios de determinada poboación que articulan un espazo virtual, estable e indefinido no tempo, de cooperación intermunicipal sobre a base dun convenio marco e a posterior aprobación de convenios específicos para cada servizo municipal ou actividade consorciada,

Resultando que se prevé a participación da Deputación na referida comunidade intermunicipal e no convenio marco e convenios específicos mediante a dedicación de medios humanos e



## CONCELLO DE CEDEIRA (A CORUÑA)

Teléfono: 981 48 00 00 - Fax: 981 48 25 06

C.I.F.: P-1502200-G

técnicos para o asesoramento e o eventual desenvolvemento ou xestión no seu caso dos servizos que lle fosen requiridos pola comunidade intermunicipal, realizando para cada proxecto conxunto un estudo xurídico, económico e técnico previo para definir baixo qué modalidade e en qué condicións económicas pode realizarse do modo máis eficiente e sustentable o servizo de que se trate, incluíndo tanto os custos da actividade ou servizo, así como as necesidades do seu financiamento, de maneira que se garantan os principios de eficiencia, calidade e sustentabilidade económica de cada servizo,

Visto o informe de Secretaría de data 07.11.2017 en sentido favorable, e o informe de Intevención de data 13.11.2017.

Considerando que a presente proposta terá a consideración da memoria xustificativa que esixen os artigos 47 e seguintes da Lei 40/2015, do réxime xurídico do sector público,

En base ó exposto, en uso das atribucións que me confire a normativa vixente en materia de réxime local, propono ó Pleno do Concello a adopción do seguinte ACORDO:

**PRIMEIRO.- APROBAR** o convenio no que se establecen as Bases de Cooperación entre a Deputación Provincial da Coruña e os Concellos de Cariño, Cedeira, Cerdido, Moeche, Ortigueira, San Sadurniño e Valdoviño, para regular o proxecto Xeoparque Ortegá, segundo o texto proposto polo Servizo de Promoción Ecolóxica, Turismo e Emprego da Deputación da Coruña que se incorpora como anexo desta proposta.

**SEGUNDO.-** Nomear como representante do Concello de Cedeira no Consello de dirección do convenio interadministrativo ó Alcalde, D. Pablo Diego Moreda Gil, e a Concelleira D. María José Rodríguez Pérez.

**TERCEIRO.-** Facultar a Alcaldía para ditar a resolución que sexa necesaria para a debida execución deste acordo.

Non obstante, o Pleno do Concello acordará o que estime oportuno.

### ANEXO

#### **CONVENIO POLO QUE SE ESTABLECEN AS BASES DE COOPERACIÓN ENTRE A DEPUTACIÓN PROVINCIAL DA CORUÑA E OS CONCELLOS DE CARIÑO, CEDEIRA, CERDIDO, MOECHE, ORTIGUEIRA, SAN SADURNIÑO E VALDOVIÑO, PARA REGULAR O PROXECTO “XEOPARQUE DE ORTEGAL”**

Na cidade da Coruña, o ... de ... de

### REUNIDOS



## CONCELLO DE CEDEIRA (A CORUÑA)

Teléfono: 981 48 00 00 - Fax: 981 48 25 06

C.I.F.: P-1502200-G

D...., presidente da Deputación Provincial da Coruña,  
D ...., alcalde-presidente do Concello de Cariño  
D. ..., alcalde-presidente do Concello de Cedeira  
D. ..., alcalde-presidente do Concello de Cerdido  
Dna. ..., alcaldesa-presidenta do Concello de Moeche  
D. ..., alcalde-presidente do Concello de Ortigueira  
D. ..., alcalde-presidente do Concello de San Sadurniño  
D. ..., alcalde-presidente do Concello de Valdoviño

### MANIFESTAN

O escenario socioeconómico que se presenta en Galicia, en España e na maioría dos países da nosa contorna a partir da primeira década do século XXI, fai por completo necesario intensificar os esforzos das administracións para adaptarse ao novo escenario. Os actuais escenarios orzamentarios, pero tamén os económicos, son por completo diferentes dos que existiron non soamente nos últimos anos, senón probablemente nas últimas décadas. A baixada dos ingresos derivados da redución da actividade económica, as esixencias do servizo da débeda pública, e a demanda de servizos públicos de calidade preséntannos ante escenarios descoñecidos. Máis ca nunca, desde as administracións públicas debe facerse un esforzo na dirección da eficiencia, da calidade e da sustentabilidade da xestión pública.

No ámbito da administración local, o papel das deputacións provinciais revélase por completo necesario para axudar os concellos –especialmente os pequenos municipios- a adaptarse a estes novos escenarios, para manter as actividades e os servizos públicos municipais e posibilitar que os ámbitos locais sexan atractivos para o desenvolvemento económico e a creación de emprego. Este acompañamento institucional da deputación cos municipios faise desde unha profunda implicación e converxencia de competencias e intereses. Para unha deputación provincial ningún problema local lle é alleo.

É amplamente coñecido o feito de que a xestión conxunta de actividades e dos servizos públicos comporta reducións efectivas nos custos (por economía de escala e distribución de custos fixos), pola mellora operativa dos propios servizos (reordenación en ámbito territorial superior), así como polo acceso a mellores condicións de execución ou contratación. Resulta claro que a cooperación intermunicipal é un dos factores estratéxicos máis potentes para avanzar na eficiencia, calidade e sustentabilidade da actividade pública local e, en particular, dos servizos públicos.

Existen diversos sistemas de cooperación intermunicipal, desde os máis formalizados como son os consorcios ou mancomunidades, ata algúns menos formalizados como acordos ou prestacións de servizos puntuais. Os modelos máis formalizados teñen a vantaxe da estabilidade territorial e temporal, mentres que posúen a desvantaxe de representar novas entidades locais co que significa no tocante a rixidez na xestión e posible demanda de novos recursos para o seu operativo. No outro extremo, os modelos menos formalizados non teñen estabilidade temporal nin por tanto proxección estratéxica, pero tampouco significan a creación de novas entidades locais nin esixen en calquera caso novos recursos humanos nin materiais.



## **CONCELLO DE CEDEIRA (A CORUÑA)**

Teléfono: 981 48 00 00 - Fax: 981 48 25 06

C.I.F.: P-1502200-G

### **MODELO DE COMUNIDADES INTERMUNICIPAIS DE SERVIZOS CONSORCIADOS**

Entre ambos os extremos, a Deputación Provincial da Coruña, propón como unha vía intermedia o desenvolvemento de comunidades intermunicipais de servizos públicos consorciados. Unha decisión que está acorde plenamente co Acordo da Comisión Nacional de Administración Local do 25 de xaneiro de 2012 no que se adoptan medidas extraordinarias e compromisos en materia de reordenación e racionalización do sector público local. Estas comunidades intermunicipais estarán constituídas por un número reducido de municipios con poboación (ata un máximo de 25.000 habitantes, como cifra orientativa) que articulan un espazo estable de cooperación intermunicipal sobre a base dun convenio marco, do que se desprenden os convenios específicos para cada actividade ou servizos municipais consorciados que sexan acordados.

A Deputación participará activamente na vida desas comunidades intermunicipais mediante a súa participación nos convenios marco e específicos, cunha especial dedicación de medios humanos e técnicos para o asesoramento e eventual desenvolvemento ou mesmo xestión dos servizos que lle fosen requiridos pola comunidade intermunicipal.

A comunidade intermunicipal terá un nome como identificador territorial. A sede e cargos –en ningún caso retribuídos- serán rotatorios entre os municipios integrantes. Non terá personalidade xurídica, nin persoal, nin medios materiais propios nin adscritos. Trátase dun espazo virtual de cooperación intermunicipal estable e indefinido no tempo, fomentado e apoiado pola Deputación provincial.

### **ESQUEMA DE OPERATIVO PARA ACTIVIDADES CONXUNTAS E SERVIZOS CONSORCIADOS**

Á hora de incorporar os servizos ou a realización de determinadas actividades conxuntas, e para cada proxecto conxunto, a Deputación realizará un estudo xurídico, económico e técnico previo para definir e tratar baixo que modalidade e en que condicións económicas pode realizarse do modo máis eficiente e sustentable o servizo de que se trate, incluíndo tanto os custos da actividade ou servizo, así como as necesidades do seu financiamento, de maneira que se garantan os principios de eficiencia, calidade e sustentabilidade económica servizo a servizo. Unha vez aprobado este modelo específico para cada servizo de cooperación polos municipios, pasará a implantarse no territorio dos concellos que integran a comunidade intermunicipal.

Sen ánimo excluín-te, os servizos que poderían someterse á cooperación ou consorciarse dentro da comunidade intermunicipal serán: fomento de actividades económicas, fomento do turismo, servizos educativos, actividades recreativas e culturais, actividades deportivas, abastecemento e depuración de augas residuais, recollida e tratamento de residuos sólidos urbanos, conservación de vías e espazos públicos, servizos técnico-urbanísticos, servizos técnico-administrativos.



## CONCELLO DE CEDEIRA (A CORUÑA)

Teléfono: 981 48 00 00 - Fax: 981 48 25 06

C.I.F.: P-1502200-G

Nesta situación, os municipios limítrofes de Cariño, Cedeira, Cerdido, Moeche, Ortigueira, San Sadurniño e Valdoviño, conscientes da necesidade de profundar nos espazos de cooperación intermunicipal sen que iso signifique maiores gastos nin compromisos económicos, e na necesidade de garantir a eficiencia, calidade e sustentabilidade das actividades e servizos públicos,

### ACORDAN

No ámbito das súas competencias, a sinatura do presente convenio de cooperación para implementar e xestionar conxuntamente o **proxecto de Xeoparque Ortegal**, de acordo coas seguintes BASES:

#### **Primeira.- Definición.**

1. Os concellos de Cariño, Cedeira, Cerdido, Moeche, Ortigueira, San Sadurniño e Valdoviño, xuntamente coa Deputación Provincial da Coruña, de conformidade coas potestades conferidas ás corporacións locais na Lei 7/85 de bases de réxime local e na Lei 5/97 de Administración local de Galicia, regulan mediante o presente convenio unha comunidade intermunicipal que permita a xestión conxunta do proxecto **Xeoparque Ortegal**, cos fins de competencia municipal que se expresan na base terceira.
2. O presente convenio fórmulase como unha técnica de cooperación, consonte ao previsto nos artigos 143 a 145 da Lei 40/2015, do 1 de outubro, de réxime xurídico do sector público, consonte ao disposto nos artigos 109.1, e 114-117 da Lei 5/1997, do 22 de xullo, de Administración Local de Galicia. Dado que se trata dun convenio interadministrativo, a este resúltanlle plenamente de aplicación as disposicións contidas no capítulo VI do título preliminar da Lei 40/2015, do Réxime xurídico do Sector público.
3. A comunidade intermunicipal é un espazo virtual de cooperación municipal para permitir a xestión compartida do proxecto Xeoparque Ortegal. En ningún caso a comunidade intermunicipal terá a consideración de persoa xurídica propia e independente das entidades locais que a integran, nin disporá de orzamento, nin de medios persoais ou materiais propios ou adscritos.

#### **Segunda.- Natureza e interpretación.**

1. O presente convenio, formalizado co carácter dunha relación xurídica convencional de carácter administrativo, un espazo virtual de cooperación intermunicipal estable, que se establece entre os concellos limítrofes de Cariño, Cedeira, Cerdido, Moeche, Ortigueira, San Sadurniño e Valdoviño, coa participación da Deputación Provincial da Coruña.



## **CONCELLO DE CEDEIRA (A CORUÑA)**

Teléfono: 981 48 00 00 - Fax: 981 48 25 06

C.I.F.: P-1502200-G

2. A natureza deste acordo, tal como está expresada no apartado anterior, en ningún caso supón a creación dunha persoa xurídica nova nin diferenciada das entidades asinantes ou das que se adhiran nun futuro.
3. A interpretación das dúbidas que puidesen xurdir na aplicación do presente convenio marco correspóndenlle ao Consello de dirección, despois dos informes emitidos polos funcionarios das corporacións locais que se designen en cada caso en razón da natureza do asunto e da competencia funcional.

### **Terceira.- Obxecto, fins, principios e coordinación.**

1. As presentes bases teñen por obxecto establecer as condicións que permitan agrupar os medios persoais e materiais e recursos económicos das corporacións locais participantes co fin de promover e xestionar de forma conxunta o proxecto de Xeoparque Ortegal, no marco das competencias propias que lles corresponden en materia de promoción económica, desenvolvemento territorial e turismo.

2. As actuacións concretas que se van levar a cabo, de conformidade co procedemento regulado na Base sétima, o correspondente estudo xurídico, económico e técnico con proposta de forma máis adecuada de xestión das actividades a desenvolver (memoria, plan director e programa de actuación), serán aprobados polo Consello de dirección que se regula na Base oitava, a partir do momento no que sexan ratificados polas corporacións interesadas, segundo o procedemento previsto na base sétima, serán xestionados conxuntamente nas condicións que se establezan.

3. As actuacións xestionadas conxuntamente, rexeranse polos principios de austeridade, economía, calidade, eficacia, eficiencia e sustentabilidade, empregándose para a súa prestación os medios humanos e materiais dos concellos e, no seu caso, da Deputación provincial. Debidamente xustificada a insuficiencia de medios destas administracións, procederase á súa contratación consonte ao previsto na lexislación reguladora de contratos do sector público.

4. Sendo un dos fins deste convenio marco a eficiencia no desenvolvemento deste proxecto, procurarase a coordinación das actuacións dos concellos e da Deputación coa Administración Xeral do Estado, coa Comunidade Autónoma de Galicia e outras entidades públicas dependentes destas, evitando en todo momento a duplicidade de actuacións no mesmo ámbito funcional.

### **Cuarta.- Ámbito territorial e funcional da xestión conxunta do proxecto.**

1. A xestión conxunta deste proxecto desenvolverá as súas actuacións no ámbito territorial dos termos municipais dos concellos de Cariño, Cedeira, Cerdido, Moeche, Ortigueira, San Sadurniño e Valdoviño.

2. As actuacións para o desenvolvemento do proxecto poderán afectar ás materias de competencia municipal como fomento de actividades económicas, fomento do turismo, servizos



## **CONCELLO DE CEDEIRA (A CORUÑA)**

Teléfono: 981 48 00 00 - Fax: 981 48 25 06

C.I.F.: P-1502200-G

educativos, actividades recreativas e culturais, actividades deportivas, abastecemento, rede de sumidoiros e depuración de augas residuais, recollida e tratamento de residuos sólidos urbanos, conservación de vías e espazos públicos, servizos técnico-urbanísticos, servizos técnico-administrativos.

3. Asemade, tamén poderá acordarse a realización de actividades conxuntas relativas á paisaxe e medio ambiente, á conservación, defensa e posta en valor do patrimonio cultural, normalización lingüística e outras que se consideren de interese público local e necesarias para o axeitado desenvolvemento do proxecto.

### **Quinta.- Lugar de reunións e arquivo da documentación administrativa.**

1. As reunións e demais xestións que vai realizar o Consello de dirección terán lugar na sede da Corporación municipal que en cada momento desempeñe a Presidencia.

2. Sen prexuízo do anterior, toda a documentación administrativa da xestión e acordos que se adopten será custodiada na Deputación provincial baixo a responsabilidade do Servizo de Promoción Económica, Turismo e Emprego.

### **Sexta.- Duración.**

1. Ao abeiro do disposto no artigo 49.h 1º da Lei do réxime xurídico do sector público, este convenio terá unha vixencia de catro anos, prorrogables expresamente por un máximo de catro anos adicionais. Xa que logo, as entidades asinantes comprométense a manter a súa participación e a súa vinculación a estas bases, con pleno cumprimento dos seus dereitos e obrigas, por un prazo mínimo de catro anos, a non ser que puidera acordarse unha resolución anticipada do convenio por finalización do seu obxecto e finalidade antes de que teña transcorrido dito prazo.

2. No caso de que algunha das partes instase á súa resolución anticipada, o membro que desexe separarse, deberá manifestar dita vontade, mediante acordo adoptado para o efecto, cun prazo de antelación dun ano á data na que esta se pretenda facer efectiva. En tal caso, procederase a constituír a comisión liquidadora á que se fai referencia na base décimo novena.

### **Sétima.- Procedemento para a xestión conxunta do proxecto.**

1. Para a xestión conxunta do proxecto deberá tramitarse un expediente para redactar unha Memoria e Programa de actuación que deberán contar, entre outros, cos seguintes apartados:

- Antecedentes, medios persoais e materiais necesarios adscritos, ingresos e gastos orzamentarios.
- Delimitación e alcance das prestacións a realizar concretadas nun Plan director do proxecto.





## **CONCELLO DE CEDEIRA (A CORUÑA)**

Teléfono: 981 48 00 00 - Fax: 981 48 25 06

C.I.F.: P-1502200-G

- Estudo económico-financeiro, no que se fixen os custos unitarios das prestacións en cada un dos concellos e forma de financialas (recursos xerais, taxas, prezos públicos, prezos privados, transferencias dos concellos e subvencións). No seu caso, este apartado incluírá un borrador de Ordenanza de taxas o prezos públicos. En todo caso, cada concello deberá garantir o financiamento da totalidade do custo que lle sexa atribuído.
- Estudo técnico-organizativo interno, coa descrición de tarefas a realizar polo persoal e, no seu caso, funcionamento operativo das instalacións.
- Proposta sobre a forma de xestión do xeparque (directa, indirecta, mixta, con prestacións accesorias externalizadas), mesmo coa posibilidade de delegar a xestión na Deputación Provincial da Coruña.
- Formas de seguimento e participación dos concellos na xestión conxunta.

2. Asemade, tamén será un requisito previo para a xestión compartida do xeparque, a aprobación da Memoria e Programa director, así como, no seu caso, ordenanzas reguladoras de taxas ou de prezos públicos, que deberán tramitarse consonte ao seguinte procedemento:

- Aprobación inicial da Memoria e Programa de actuación por cada un dos concellos, así coma, no seu caso, regulamento do servizo, ordenanzas fiscais ou reguladora de prezos públicos.
- Exposición ao público por prazo de trinta días, para o efecto de que as persoas interesadas poidan presentar reclamacións ou suxestións.
- Aprobación definitiva por cada concello, coa forma de xestión que se teña determinado, e aprobación definitiva, no seu caso, da Ordenanza fiscal ou de prezos públicos, consonte ao disposto na Lei 7/85 e no Texto refundido da Lei reguladora das Facendas locais.

3. Finalmente, no caso de que se propuxera a xestión das actuacións que vai desenvolver a Deputación, deberán adoptar cada un dos concellos o acordo de delegación e a posterior aceptación da Corporación provincial, coa maioría esixida polo artigo 47.2 h) da Lei 7/85, de Bases de Réxime local. Neste suposto, á delegación da xestión das actividades ten que engadirse a relativa a xestión e recadación da taxa ou prezo público correspondente, de acordo coas Bases aprobadas pola Deputación para esta finalidade.

### **Oitava.- Órgano de impulso, dirección e seguimento.**

1. A xestión compartida do xeparque estará impulsada e dirixida por un órgano colexiado que se denominará Consello de dirección e que realizará as funcións de comisión de seguimento deste convenio e dos acordos que se adopten no seu desenvolvemento.

2. O dito órgano estará formado por representantes de todas as entidades partícipes, de acordo coa seguinte distribución:

- a) Dous representantes de cada unha das corporacións partícipes, sendo un deles a Alcaldía ou concelleira/o no que delegue.
- b) Dous representantes da Deputación Provincial da Coruña.



## **CONCELLO DE CEDEIRA (A CORUÑA)**

Teléfono: 981 48 00 00 - Fax: 981 48 25 06

C.I.F.: P-1502200-G

Sen prexuízo desta composición, o Presidente poderá dispor que asistan ás sesións, con voz pero sen voto, os técnicos ou persoal especializado que conveña nalgún asunto determinado.

3. A presidencia do órgano recaerá no titular da Alcaldía que corresponda, segundo un procedemento rotatorio de carácter anual, partíndose inicialmente do concello de menor poboación dos partícipes.

4. O cargo de representante non será retribuído, sen prexuízo das axudas de custo e remuneracións por asistencia ás sesións que poida acordar a corporación respectiva.

5. O órgano estará asistido por un funcionario pertencente ao servizo de Promoción Económica, Turismo e Emprego da Deputación, coas funcións da base décimo cuarta.

### **Novena.- Atribucións do Consello de dirección.**

O Consello de dirección, co carácter regulado na base anterior, terá as seguintes atribucións:

- a) Nomear o Presidente que corresponda segundo o procedemento de rotación anual anteriormente previsto.
- b) O impulso político e a dirección da comunidade intermunicipal para a xestión do proxecto.
- c) Aprobar inicialmente e proporlles ás corporacións partícipes a modificación do presente convenio e a proposta inicial da Memoria, Programa director e acordos específicos para a xestión compartida, que serán definitivamente aprobados polas corporacións partícipes.
- d) Fixar as bases de execución e seguimento dos programas de actuación das actividades conxuntas, velando pola eficiencia dos servizos, a súa calidade e sustentabilidade.
- e) Supervisar a calidade e cumprimento de contratos de obras, xestión de servizos públicos, servizos, subministracións e de calquera outra índole que poidan realizarse no desenvolvemento do proxecto.
- f) Aprobar a incorporación ou separación de novas entidades e aprobar as bases que teñan que rexer esta incorporación ou separación.
- g) Acordar a resolución do presente convenio.
- h) Calquera outras relativas ao exercicio das súas funcións que non estean atribuídas a outros órganos.

### **Décima.- Distribución de votos e adopción de acordos.**

1. Os acordos do Consello de dirección adoptaranse por maioría absoluta de votos dos membros presentes.

2. Con todo, calquera modificación do convenio requirirá o consentimento unánime de todos os membros.



## **CONCELLO DE CEDEIRA (A CORUÑA)**

Teléfono: 981 48 00 00 - Fax: 981 48 25 06

C.I.F.: P-1502200-G

### **Décimo primeira.- Réxime de sesións.**

1. O Consello de dirección celebrará sesión ordinaria, como mínimo cada tres meses, e extraordinaria cando así o dispoña o Presidente ou o solicite polo menos a terceira parte dos seus membros que, a súa vez, representen a terceira parte dos votos.
2. En tal caso, recibida a solicitude, o Presidente deberá convocar a sesión solicitada dentro dos 15 días hábiles seguintes ao de presentación da solicitude.
3. Para a válida constitución, a sesión deberá contar coa asistencia de, polo menos, un terzo do número dos seus membros e que entre os presentes se conte cun terzo do número total de votos.

### **Décimo segunda.- Atribucións do Presidente.**

Corresponde ao Presidente exercer as seguintes atribucións:

- a) Convocar, presidir e dirixir as sesións do Consello de dirección e calquera outro órgano de carácter colexiado que puidera crearse ao abeiro do presente convenio.
- b) Representar as entidades partícipes en relación coa xestión do proxecto Xeoparque de Ortegal.
- c) Velar polo cumprimento do convenio, dos programas de actuación e xestión conxunta e dos acordos adoptados polo Consello de dirección.

### **Décimo terceira.- Disposicións xerais.**

1. Para o réxime de sesións e acordos, en todo o non previsto especificamente nas presentes Bases, resultará de aplicación o disposto na lexislación de réxime local.
2. Subsidiariamente aplicarase a Lei 39/2015, de Procedemento administrativo común das Administracións públicas, así como o resto das disposicións legais do ordenamento administrativo.

### **Décimo cuarta.- Funcións administrativas de apoio e asesoramento xurídico e económico.**

As funcións de apoio administrativo, asesoramento xurídico e económico serán prestadas por persoal funcionario da Deputación Provincial da Coruña.

### **Décimo quinta.- Recursos humanos e materiais.**

1. Os cometidos e traballos das accións conxuntas poderán ser realizados, de acordo co Plan director, polo persoal das entidades e administracións participantes ou mediante as fórmulas de



## **CONCELLO DE CEDEIRA (A CORUÑA)**

Teléfono: 981 48 00 00 - Fax: 981 48 25 06

C.I.F.: P-1502200-G

cooperación que en cada caso se acorden, nos termos previstos no ordenamento xurídico administrativo, mesmo mediante a delegación de funcións na Deputación Provincial da Coruña.

2. Para a xestión conxunta utilizaranse exclusivamente medios persoais e materiais dos que dispoñan as corporacións locais partícipes.

### **Décimo sexta.- A separación dalgún membro.**

1. Recibido o acordo plenario no que se manifesta a vontade de separarse deste convenio ou dos acordos específicos que se adopten no seu marco, designarase unha Comisión liquidadora que, atendendo ao efecto xurídico e económico que se produza nos contratos, convenios e demais acordos, presentará unha proposta ao Consello de dirección na que se fixen as condicións e efectos da separación unilateral.

2. Tamén procederá a separación, con carácter forzoso, de calquera dos partícipes, por incumprimento grave da lexislación vixente que afecte ás accións que se desenvolven conxuntamente, cando así o estime o Consello de dirección, co expediente tramitado previamente para o efecto e con requirimento á corporación interesada para que asuma o compromiso incumplido no prazo establecido para o efecto, coa advertencia de que de non atendelo procederá á súa suspensión provisional como partícipe, como paso previo a súa separación definitiva.

### **Décimo sétima.- Modificación e resolución.**

1. A modificación das presentes Bases requirirá o acordo inicial do Consello de dirección e, posteriormente, a súa aprobación por cada unha das entidades partícipes, mediante acordo adoptado polo órgano competente.

2. Co mesmo procedemento, este convenio poderá resolverse polas seguintes causas:

- a) Por imposibilidade de cumprimento dos fins establecidos.
- b) Por disposición legal ou por aparecer circunstancias contrarias ao interese público.
- c) Cando así o acorde o Consello de dirección, pola maioría das tres cuartas partes dos seus membros.

3. O acordo de resolución determinará a forma na que se teña que proceder para o cesamento das actividades conxuntas, logo da constitución dunha comisión liquidadora que propondrá os efectos xurídicos e económicos para cada entidade.

### **Décimo oitava.- Entrada en vigor e aplicación**

1. Unha vez tomados os acordos correspondentes polos concellos interesados e a sinatura deste convenio, no prazo de quince días constituirase o Consello de dirección regulado na Base oitava.



## CONCELLO DE CEDEIRA (A CORUÑA)

Teléfono: 981 48 00 00 - Fax: 981 48 25 06

C.I.F.: P-1502200-G

2. O Consello de dirección, unha vez constituído, designará os técnicos responsables da elaboración do Plan director, para a súa tramitación, aprobación e aplicación consonte ao disposto no presente convenio.”

\*\*\*\*\*

A Comisión, por tres (3) votos a favor do PSdG-PSOE (1), de ANOVA (1) e do BNG (1), e tres (3) abstencións do PP, acorda ditaminar a devandita proposición favorablemente e propoñer ao Pleno a súa aprobación.”

Aberto o turno de intervencións non se produce ningunha.

O Concello Pleno, en votación ordinaria, por unanimidade dos seus membros presentes, e por tanto pola maioría absoluta do número legal de membros da Corporación, ACORDA: APROBAR o ditame da Comisión Informativa de Plenos nos termos nos que quedou transcrito.

### 3. PROPOSTA AO PLENO DE SOLICITUDE DE INCLUSIÓN DUN PROXECTO NO POS+ADICIONAL 1/2017 POR MAIOR ACHEGA DA DEPUTACIÓN PROVINCIAL

Pola Secretaria dáse lectura ao ditame da Comisión Informativa de Plenos de data 14.11.2017, que di:

“Vista a proposta de Alcaldía de data 14.11.2017, que di:

“Recibida con data 23.10.2017 a CIRCULAR complementaria sobre a elaboración do POS+ADICIONAL 1/2017 por maior achega da Deputación Provincial, propónse ao Pleno a adopción do seguinte acordo:

1.- “Participar no **Plan provincial de cooperación ás obras e servizos de competencia municipal (Plan único de concellos) POS+2017 Adicional 1/2017** da Deputación Provincial da Coruña, cuxas Bases se coñecen e aceptan na súa totalidade, e solicitar a aplicación da maior achega provincial asignada aos obxectos que se indican a continuación:

#### A) Financiamento do pago a provedores:

(Só para o caso de concellos que non presentaron solicitude na 1ª fase deste Plan cuxo prazo rematou o 6 de outubro de 2017)

	Capítulo II	Capítulo VI	Total
Maior achega provincial aplicada ao financiamento de pago a provedores			
<b>Subtotal pago a provedores</b>	0	0	0

**CONCELLO DE CEDEIRA (A CORUÑA)**

Teléfono: 981 48 00 00 - Fax: 981 48 25 06

C.I.F.: P-1502200-G

**B ) Financiamento de todos os investimentos financeiramente sostibles que se solicitan nesta 2ª fase do Plan, tanto dos previstos no Plan Complementario como dos novos: (Deberán incluírse unicamente os investimentos que non foron solicitados na 1ª fase deste Plan cuxo prazo rematou o 6 de outubro de 2017)**

<b>Investimentos financeiramente sostibles que se solicitan nesta 2ª fase do Plan</b>		<b>Financiamento dos investimentos</b>		
<b>Denominación da obra ou subministración</b>	<b>Grupo de programa</b>	<b>Deputación</b>	<b>Concello</b>	<b>Orzamento total</b>
Reurbanización da Rúa Convento	1532	69.965,83	0,00	69.965,83
<b>Subtotal investimentos financeiramente sostibles</b>		69.965,83	0,00	69.965,83

Aprobar os proxectos das obras ou os pregos das subministracións incluídos no POS+ Adicional 1/2017 que se relacionan nesta táboa.

**C ) Resumo:**

<b>SUBTOTALS</b>	<b>Deputación</b>	<b>Concello</b>	<b>Total</b>
<b>A- PAGO A PROVEDORES DESTA 2ª FASE DO PLAN</b>	0,00		0,00
<b>B- INVESTIMENTOS FINANCEIRAMENTE SOSTIBLES A INCLUIR NESTA 2ª FASE DO PLAN</b>	69.965,83	0,00	69.965,83
<b>SUBTOTAL</b>	69.965,83	0,00	69.965,83
<b>IMPORTE DA ACHEGA PROVINCIAL XA APLICADA, DE SER O CASO, NA 1ª FASE DO PLAN</b>			
<b>TOTAL</b>	69.965,83	0,00	69.965,83

2.- Declarar que o concello ten a dispoñibilidade dos terreos, augas e servidumes para a execución dos investimentos, e que ten resolto todo o relacionado coas concesións e autorizacións administrativas que legalmente sexan necesarias.

3.- Declarar que o concello ten crédito, de ser o caso, que se compromete a incluír no orzamento municipal os fondos necesarios, para facer fronte á achega municipal aos investimentos incluídos no POS+ Adicional 1/2017, se o concello voluntariamente realiza algunha achega ao seu financiamento.

4.- Solicitar da Deputación Provincial da Coruña a delegación neste concello da contratación e execución das obras ou subministracións incluídas no Plan, que se entenderá aceptada si esta se produce efectivamente.



## CONCELLO DE CEDEIRA (A CORUÑA)

Teléfono: 981 48 00 00 - Fax: 981 48 25 06

C.I.F.: P-1502200-G

5.- Declarar que o concello non solicitou nin percibiu ningunha subvención doutras Administracións públicas para o financiamento das distintas actuacións incluídas neste Plan, e no caso de que existan axudas ou subvencións concorrentes doutras Administracións, achégase o detalle de cada unha delas, acreditándose que a súa suma total non supera o 100% do seu importe.

6.- Autorízase á Deputación Provincial da Coruña a obter as certificacións da Axencia Estatal de Administración Tributaria e da Tesourería da Seguridade Social nas que se acredite que o concello está ao corrente nas súas obrigas tributarias e coa Seguridade Social.

7.- Facultar expresamente á Alcaldía para todo o relacionado coa tramitación e xestión do presente acordo e o correspondente expediente.”

A Comisión, por tres (3) votos a favor do PSdG-PSOE (1), de ANOVA (1) e do BNG (1), e tres (3) abstencións do PP, acorda ditaminar a devandita proposición favorablemente e propoñer ao Pleno a súa aprobación.”

Aberto o turno de intervencións, o Sr. Alcalde di: Nós aquí volvemos ó tema de antes, da urxencia que ten esta sesión porque o vintetrés do dez nos chega a circular onde nos di que temos unha disposición de poder incluír un proxecto novo no complementario. Das necesidades que pode ter e das carencias que podemos ter agora mesmo na vila, cremos que é moi importante sobre todo adecentar e preparar toda aquela parte que está diante do auditorio, nesa rúa, porque está agora mesmo bastante destrozada. É dicir, este proxecto o que vai é a facer un pouco a substituír todo aquel adoquinado en formigón impreso, que está moi deteriorado e se están producindo numerosas caídas. Sobre todo de xente maior que está indo ó auditorio e tamén á igrexa. E o que se vai a facer é meter unhas liñas de pizarra e máis completar con granito, solo substituíndo o granito aquel que está moi deteriorado. No proxecto se pode ver que hai unha franxa pintada en cor, que está na páxina web. E despois, unhas luminarias máis modernas. Tamén se poñerán uns bancos intentando darlle unha forma de faladoiros, uns bancos invertidos, de madeira, que se van a colocar no medio, cunhas xardiñeiras tamén de madeira, para darlle un pouquiño tamén de lucidez e sen intentar que ese tipo de árbores enraíce e que ao final volvan a levantar o pavimento, co cal volvemos a ter outro problema. Supoño que haberá máis necesidades, pero cremos que hoxe en día, polo tránsito que ten esa rúa, é moi importante facer esta achega.

O Concello Pleno, en votación ordinaria, por unanimidade dos seus membros presentes, ACORDA: APROBAR o ditame da Comisión Informativa de Plenos nos termos nos que quedou transcrito.

O Sr. Alcalde di: Nada máis, agradecervos sobre todo a ratificación do tema da urxencia e que entendades o porqué disto, e darvos as grazas tamén polo apoio tando do xeparque como deste proxecto.

E non habendo máis asuntos que tratar, pola Presidencia levántase a sesión ás dezaioito horas e dez minutos do expresado día, estendéndose a presente acta do que eu, como Secretaria, dou fe.



**CONCELLO DE CEDEIRA (A CORUÑA)**

*Teléfono: 981 48 00 00 - Fax: 981 48 25 06*

*C.I.F.: P-1502200-G*

O PRESIDENTE

A SECRETARIA